



# ПРАВОСЛАВНЫЙ МОЛИТВОСЛОВ



ИЗДАТЕЛЬСТВО МОСКОВСКОЙ ПАТРИАРХИИ  
РУССКОЙ ПРАВОСЛАВНОЙ ЦЕРКВИ  
МОСКВА • 2016

УДК 264–1  
ББК 86–372  
П 68

Рекомендовано к публикации  
Издательским Советом  
Русской Православной Церкви  
ИС Р16-555-3818

Православный молитвослов. – М.: Из-  
дательство Московской Патриархии Рус-  
ской Православной Церкви, 2016. – 384 с.

© Издательство Московской  
Патриархии Русской  
Православной Церкви, 2016  
ISBN 978-5-88017-499-7



## МОЛИТВЫ УТРЕННИЕ\*

Встав от сна, прежде всякого друго-  
го дела, стань благоговейно, представ-  
ляя себя пред Всевидящим Богом, и, со-  
вершая крестное знамение, произнеси:

**Во имя Отца, и Сына, и Свята́-  
го Духа. Аминь.**

Затем немного подожди, пока все чув-  
ства твои не придут в тишину и мысли  
твои не оставят всё земное, и тогда со-  
твори три поклона с молитвой:

**Бо́же, мило́стив бу́ди мне  
грёшному.**

---

\*В пасхальную седмицу вместо утренних  
и вечерних молитв читаются часы Пасхи  
(см. с. 284).

И читай следующие молитвы, без поспешности и со вниманием сердечным.

**Молитва предначинательная**

Ѓсподи Иису́се Христé, Сы́не Бóжий, моли́тв ра́ди Пречи́стыя Твоея́ Ма́тере и всех святы́х, поми́луй нас. **Ами́нь.**

**Сла́ва Тебе́, Бо́же наш, сла́ва Тебе́.**

**Молитва Святому Духу\***

**Ц**арю́ Небе́сный, Уте́шителю, Ду́ше и́стины, И́же везде сый и вся исполня́й, Сокро́вище благих и жи́зни Подáтелю, прииди́ и всели́ся в ны, и очисти

\* От недели Фоминой до Вознесения вместо этой молитвы читается тропарь:

Христос воскрес из мертвых, смертию смерть поправ и сущим во гробех живот даровав. **Трижды.**

От Вознесения до Троицы после предначинательной молитвы Ѓсподи Иису́се Христé... сразу читается Святы́й Бо́же...

ны от вся́кия сквѣрны, и спаси́, Бла́же, ду́ши на́ша.

**Трисвято́е**

**Святы́й Бо́же, Святы́й Кре́пкий, Святы́й Безсме́ртный, поми́луй нас. Трижды, и три поклона.**

**Сла́ва Отцу́, и Сы́ну, и Свято́му Ду́ху, и ны́не и прѣсно, и во ве́ки веко́в. Ами́нь.**

**Молитва ко Пресвятой Троице**

**Пресвята́я Трои́це, поми́луй нас: Ѓсподи, очисти грехи́ на́ша; Влады́ко, прости́ беззакония́ на́ша; Святы́й, посети́ и исцели́ немо́щи на́ша, и́мене Твоего́ ра́ди.**

**Ѓсподи, поми́луй. Трижды.**

**Сла́ва, и ны́не:\***

\* Когда написано: «Слава:», следует читать: «Сла́ва Отцу́, и Сы́ну, и Свято́му Ду́ху»; »

## Молитва Господня

**О**тче наш, Иже еси на Небесех, да святится имя Твое\*, да придет Царствие Твое, да будет воля Твоя, яко на Небеси, и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

---

«И ныне:» — «И ныне и присно, и во веки веков. Аминь». Соответственно, «Слава, и ныне:» читается полностью: «Слава Отцу, и Сыну, и Святому Духу, и ныне и присно, и во веки веков. Аминь».

\*Читая церковнославянский текст, следует произносить слова так, как они напечатаны: «твое», а не «тваё»; «зовём», а не «завём»; «рождённого», а не «раждённава», и т.д. Звук ё в церковнославянском языке отсутствует.

## Тропарі Трѳичны

**В**оста́вше от сна, припадаем Ти, Бла́же, и а́нгельскую песнь вопие́м Ти, Си́льне: Свят, Свят, Свят еси́, Бо́же, Богоро́дицею поми́луй нас.

## Сла́ва:

**О**т одра́ и сна воздв́игл мя еси́, Го́споди, ум мой просвети́ и се́рдце, и устне́ мой отвёрзи, во́ еже пе́ти Тя, Свята́я Трѳи́це: Свят, Свят, Свят еси́, Бо́же, Богоро́дицею поми́луй нас.

## И ны́не:

**В**неза́пу Судия́ придет, и ко́егѳдо де́яния обнажа́тся, но стра́хом зове́м в полу́нощи: Свят, Свят, Свят еси́, Бо́же, Богоро́дицею поми́луй нас.

Го́споди, поми́луй. 12 раз.

### Молитва ко Пресвятой Троице

**О**т сна воста́в, благодарю́ Тя, Свята́я Трои́це, я́ко мно́гия ра́ди Твоея́ бла́гости и долготерпе́ния не прогна́вался еси́ на мя, лени́ваго и грешнаго, ниже́ погуби́л мя еси́ со беззако́ньми мои́ми, но человеколю́бствовал еси́ обы́чно и в неча́янии лежа́щаго воздви́гл мя еси́, во е́же у́треневати и славосло́вити держа́ву Твою́. И ны́не просвети́ мой о́чи мы́сленныя, отвéрзи мой уста́, поуча́тися словесе́м Твои́м, и разумéти за́поведи Твоя́, и тво́рити во́лю Твою́, и пе́ти Тя во испове́дании серде́чном, и воспева́ти всесвятóе и́мя Твое́, Отца́, и Сы́на, и Свята́го Ду́ха, ны́не и прísно, и во ве́ки веко́в. **Ами́нь.**

**Прииди́те, поклони́мся Царе́ви на́шему Бо́гу. **Поклон.****

**Прииди́те, поклони́мся и припаде́м Христу́, Царе́ви на́шему Бо́гу. **Поклон.****

**Прииди́те, поклони́мся и припаде́м Самому́ Христу́, Царе́ви и Бо́гу на́шему. **Поклон.****

### Псалом 50

**П**оми́луй мя, Бо́же, по вели́цей ми́лости Твое́й, и по мно́жеству щедро́т Твои́х очисти́ беззако́ние мое́. Наипа́че омьй́ мя от беззако́ния моего́, и от греха́ моего́ очисти́ мя; я́ко беззако́ние мое́ аз зна́ю, и грех мой предо мно́ю есть ви́ну. Тебе́ еди́ному согреши́х, и лука́вое пред Тобо́ю сотвори́х; я́ко да оправди́шия во словесе́х Твои́х, и победи́ши, внегда́ суди́ти Ти. Се бо

в беззаконіих зачатъ есмь, и во гресѣхъ роди мѧ мати моя. Се бо истину возлюбилъ еси, безвѣстная и тайная премудрости Твоея явилъ ми еси. Окропиши мѧ иссопомъ, и очистиши мѧ; омыеши мѧ, и паче снѣга убелюся. Слуху моему даши радость и веселіе; возрадуются кости смиренныя. Отврати лице Твое от грехъ моихъ, и вся беззаконія моя очисти. Сердце чисто созижди во мнѣ, Бже, и духъ правъ обнови во утробѣ моеи. Не отвержи мене отъ лица Твоего, и Духа Твоего Святаго не отыми отъ мене. Воздаждь ми радость спасенія Твоего, и Духомъ Владычнимъ утверди мѧ. Научу беззаконныя путемъ Твоимъ, и нечестивіи къ Тебѣ обратятся.

Избави мѧ отъ кровей, Бже, Бже спасенія моего; возрадуется языкъ мой правде Твоеи. Господи, устне мои отверзешы, и уста мои возвестятъ хвалу Твою. Яко аще бы восхотѣлъ еси жертвы, далъ быхъ убо: всесожженія не благоволиши. Жертва Богу духъ сокрушенъ; сердце сокрушенно и смиренно Богъ не унижитъ. Ублажи, Господи, благоволеніемъ Твоимъ Сиона, и да созиждутся стѣны Иерусалимскія. Тогда благоволиши жертву правды, возношеніе и всесожегаемая; тогда возложатъ на олтарь Твой тельцы.

Символъ веры

**В**ѣрую во единаго Бога Отца, Вседержителя, Творца Небу

и земли, видимым же всем и невидимым.<sup>2</sup> И во единого Господа Иисуса Христа, Сына Божия, Единородного, Иже от Отца рожденнаго прежде всех век; Света от Света, Бога истинна от Бога истинна, рожденна, несотворенна, единосущна Отцу, Имже вся быша.<sup>3</sup> Нас ради человек и нашего ради спасения спшедшаго с Небес, и воплотившагося от Духа Свята и Марии Девы, и вочеловечшася.<sup>4</sup> Распятаго же за ны при Понтийстем Пилате, и страдавша, и погребенна.<sup>5</sup> И воскресшаго в третий день, по Писанием.<sup>6</sup> И возшедшаго на Небеса, и седяща одесную Отца.<sup>7</sup> И паки грядущаго со славою судити живым и мертвым, Егоже Царст-

вию не будет конца.<sup>8</sup> И в Духа Святаго, Господа, Животворящаго, Иже от Отца исходящаго, Иже со Отцем и Сыном спокланяема и сславима, глаголавшаго пророки.<sup>9</sup> Во едину Святую, Соборную и Апостольскую Церковь.<sup>10</sup> Исповедую едино Крещение во оставление грехов.<sup>11</sup> Чаю воскресения мертвых,<sup>12</sup> и жизни будущего века. **Аминь.**

Молитва 1,  
святого Макария Великого

**Б**оже, очисти мя грешнаго, яко николиже сотворих благое пред Тобю, но избави мя от лукаваго, и да будет во мне воля Твоя, да неосужденно отвэрзу уста моя недостойная и восхваляю имя Твое святое,

Отца́, и Сы́на, и Свята́го Ду́ха,  
ны́не и прѣсно, и во ве́ки веко́в.

**Ами́нь.**

**Молитва 2, того же святого**

**О**т сна воста́в, полунощную  
песнь приношу́ Ти, Спа́се,  
и припада́я вопию́ Ти: не даждь  
ми усну́ти во грехо́вней сме́рти,  
но ущедри́ мя, распный́ся во́лею,  
и лежа́щаго мя в ле́ности уско́рив  
воста́ви, и спаси́ мя в пред-  
стоя́нии и моли́тве, и по сне  
нощне́м возсия́й ми день безгре́-  
шен, Христе́ Бо́же, и спаси́ мя.

**Молитва 3, того же святого**

**К** Тебе́, Влады́ко Чело́веко-  
лю́бче, от сна воста́в, прибе-  
гаю́, и на дела́ Твоя́ подви́заюся  
милосе́рдием Твои́м, и молю́ся  
Тебе́: помози́ мне на вся́кое

вре́мя, во вся́кой ве́щи, и изба́ви  
мя от вся́кия мирскѣя злы́я  
ве́щи и диаво́льскаго поспеше́-  
ния, и спаси́ мя, и введи́ в Ца́р-  
ство Твое́ вечно́е. Ты́ бо еси́ мой  
Сотвори́тель и вся́кому бла́-  
гу Промы́сленник и Пода́тель,  
о Тебе́ же все упова́ние моё, и  
Тебе́ сла́ву возсыла́ю, ны́не  
и прѣсно, и во ве́ки веко́в.  
**Ами́нь.**

**Молитва 4, того же святого**

**Г**осподи́, И́же мно́гою Твое́ю  
бла́гостию и вели́кими щед-  
ро́тами Твои́ми дал еси́ мне,  
рабу́ Твоему́, мимоше́дшее вре́-  
мя но́щи се́я без напа́сти прейти́  
от вся́каго зла протѣвна; Ты́  
Сам, Влады́ко, вся́ческих Тво́р-  
че, сподо́би мя и́стинным Твои́м

свѣтом и просвѣщенным сѣрдцем творѣти волю Твою, ныне и прѣсно, и во вѣки веков. **Аминь.**

**Молитва 5,  
святого Василия Великого**

**Г**осподи Вседержителю, Бѣже Сил и всякія плѣти, в вѣшних живѣй и на смиренныя призираѣй, сѣрдца же и утробы испытуй и сокровѣнная человеков яве предвѣдый, Безначальный и Присносущный Свѣте, у Него же несть пременение, или преложѣния осенѣние; Сам, Безсмертный Царю, примѣ моленія наша, яже в настоящее время, на множество Твоѣх щедрот дерзаяще, от скверных к Тебѣ устен творим; и остави нам прегрѣшенія наша, яже

дѣлом, и слѣвом, и мѣслию, вѣдением или невѣдением согрѣшенная нами; и очисти ны от всякія скверны плѣти и дѣха. И даруй нам бѣдренным сѣрдцем и трѣзвенною мѣслию всю настоящаго житія ночь прейти, ожидающим пришѣствія свѣтлаго и явленнаго дне Единороднаго Твоего Сѣна, Господа и Бѣга и Спаса нашего Исуса Христа, воньже со славою Судия всех придет, комуждо отдати по делѣм его; да не падше и обленѣвшесе, но бѣдрствующе и воздвѣжени в делании обрящемся гѣтѣви, в радость и Божественный чертѣг славы Его совнѣдем, идеже праздноующих глас непрестанный и неизрѣченна

сла́дость зрящих Твоего́ лица́ доброту неизрече́нную. Ты́ бо еси́ и́стинный Свет, просвеща́яя и освяща́яя всяческая, и Ты поё́т вся тварь во ве́ки веко́в. **Ами́нь.**

**Молитва 6, того же святого**

**Т**я благосло́вим, вѣ́шний Бо́же и Го́споди ми́лости, творя́щаго прѣ́сно с на́ми вели́кая же и неизсле́дованная, сла́вная же и ужа́сная, ихже несть числа́, пода́вшаго нам сон во упоко́ение нѣ́мощи на́шей и ослабле́ние трудо́в многотру́дныхя плóти. Благодарѣ́м Тя, я́ко не погубѣ́л еси́ нас со беззако́ньми на́шими, но человеколю́бствовал еси́ обы́чно, и в неча́янии лежа́щия ны воздвѣ́гл еси́, во е́же славосло́вити держа́ву

Твою́. Те́мже мо́лим безме́рную Твою́ бла́гость: просветѣ́и на́ша мы́сли, очеса́, и ум наш от тяжкаго сна лѣ́ности возста́ви; отвѣ́рзи на́ша уста́ и испо́лни я́ Твоего́ хвале́ния, я́ко да возмо́жем непоколе́блемо пѣ́ти же и испове́даться Тебе́, во всех и от всех сла́вимо́му Бо́гу, Безнача́льному Отцу́, со Единоро́дным Твоѣ́м Сы́ном, и Всесвяты́м, и Благи́м, и Животворя́щим Твоѣ́м Ду́хом, ны́не и прѣ́сно, и во ве́ки веко́в. **Ами́нь.**

**Молитва 7,  
ко Пресвятой Богородице**

**В**оспева́ю благода́ть Твою́, Влады́чице, молю́ Тя, ум мой облагодати́. Ступа́ти пра́во мя наста́ви, путе́м Христо́вых за́поведей. Бде́ти к пѣ́сни укре́пи,

уны́ния сон отгоня́ющи. Свя́за-на плені́цами\* грехопаде́ний, мольба́ми Твои́ми разреши́, Богоневе́сто. В но́щи мя и во дни сохра́няй, борю́щих враг избавля́ющи мя. Жизнода́теля Бо́га рождша́я, умерщвлена́ мя страстьми́ оживи́. Яже Свет не-вече́рний рождша́я, ду́шу мою́ ослепшую́ просвети́. О дивна́я Влады́чня пала́то, дом Ду́ха Бо-же́ственна мене́ сотвори́. Врача́ рождша́я, уврачу́й души́ моея́ многоле́тныя стра́сти. Волну́ю-щаяся житейско́ю бу́рею, ко сте-зи́ мя пока́яния напра́ви. Изба́ви мя огня́ ве́чнующаго, и че́рвия же зла́го, и та́ртара. Да мя не яви́ши бесо́м радова-

\* Плені́цами — у́зами.

ние, и́же мно́гим грехо́м повин-ника. Но́ва сотвори́ мя, обет-шавшаго нечу́вственными, Пре-непорочна́я, согреше́нии. Стран-на му́ки вся́кия покажи́ мя, и всех Влады́ку умоли́. Небе́сная ми улучи́ти весе́лия, со все́ми святы́ми, сподо́би. Пресвята́я Де́во, услы́ши глас непотре́бнаго раба́ Твоего́. Струю́ давай́ мне слеза́м, Пречи́стая, души́ моея́ скве́рну очища́ющи. Стенáния от се́рдца приношу́ Ти непре-ста́нно, усе́рдствуй, Влады́чице. Моле́бную службу́ мою́ приими́ и Бо́гу благоутро́бному принеси́. Превы́шшая А́нгел, мирска́го мя превы́шша слі́тія сотвори́. Светоно́сная се́не Небе́сная, ду-ховную́ благода́ть во мне на-пра́ви. Ру́це возде́ю и устне́